

四庫全書

史部

欽定四庫全書

浙江通志卷二百三十四

寺觀

九

溫州府

永嘉縣
附郭

開元寺 溫州府志在府城內習禮坊晉大寧五年

李整捨宅建為崇安寺唐改今名宋置藏院御書

閣千佛院明一統志建炎中奉安景靈神御於此

永嘉縣志明洪武間立為叢林

天寧寺 萬厯溫州府志在永寧坊舊報恩光孝禪
寺宋政和改今名有華嚴妙峰二閣貝葉生香閣
明初逆川大師受戒於此景泰中重建

普覺瑜伽寺 嘉靖浙江通志在府城內五代周廣
順中建萬厯溫州府志舊名寶陀宋祥符間賜名
普覺紹興時奏為律院元至正甲申重建明洪武
間立為叢林

資福寺 永嘉縣志在華蓋山林靈素築室於此名

通真菴宋高宗巡幸改名資福元延祐間燬明永樂時重建萬厯中邑人王叔杲修

國朝康熙間重修

永嘉縣城外寺觀

江心寺

名勝志在江心孤嶼

永嘉縣志永清門外

唐咸通時

建宋建炎四年高宗駐蹕御書清輝浴光二軒刻

石先是山有東塔普寂院高宗改名龍翔西塔淨信院改名興慶紹興間西蜀僧清了來主龍翔始

合二刹為一

釋智齋江心寺記溫城北蜃江之上有二院曰普寂曰淨信冠以寶塔東

西對峙江流中貫斷岬百尺飛梁而過之宋高宗嘗駐蹕東院親灑宸翰以榜二軒紹興七年郡守李光疏於朝合二院為一詔以真歇禪師主之賜額龍翔興慶寺師說法其地未幾沙塗壅漲師乃簣土累石以廣其址瓶殿閣稱壯麗馬乾道中海溢寺屋壞幾半而寂光常師再建如初淳熙改元止菴可師增其舊制元至元丙子燬而斗屋覺山無際無言北隱相繼重建至正壬辰又燬者舊希逸於歲乙未首建大殿又為觀音閣於東峯之麓後三載為洪武元年慧恩主席刻萬佛閣尊像閣下為正法堂明年宗齊修二塔又明年建經鐘二閣闢丈室僧堂官院翼以兩廡面江迴廊六十楹而百廢具舉矣

江心寺志重建於明正德十二年至萬曆

七年又建榜曰龍海珠林

林景熙江心寺詩佛借龍宮五百年平分城樹

與村烟叢林忽湧中流地雙塔曾擎半壁天石色帶雲籠客袖鐘聲和月落漁船絮袍不限侵門水十載何人坐象筵朱諫寓江心寺詩孤嶼清秋夜星河萬里查江山如有約雲水暫為家白髮隨鷗鳥輕舟采石華秋風動歸思浙灘響兼葭程嘉量江心寺詩東西兩寺絕塵囂齋飯全憑早晚潮解事江流更分斷為君題作小金焦朱彝尊秋日對酒江心寺同高石埭作二首謝監尋山日江童擊汰迎寒潮天外落秋草渡頭生厯覽窮孤嶼逍遙倚化城行厨深樹裏乳酒正須傾驟雨連山暗迴風病葉飛入林初緩帶改席忽沾衣客醉從高枕川長得斷磯扁舟憐范蠡蝦菜久忘歸

福聖寺 舊温州府志在四都宋開寶三年建高宗

駐蹕於此有御覽閣留雲軒指西亭元燬至正間
重建

妙果寺 永嘉縣志在集雲廂

國朝順治十四年燬康熙十四年重建有古鏡相傳神
異向墮土內今置亭懸之

石門寺 温州府志在府城北十五里賢宰鄉永嘉
縣志有青石山躍鯉灘伏獅巖諸勝謝康樂嘗游
咏焉

國朝康熙間重建

真華觀 温州府志在華蓋山麓唐開元間建

國朝康熙二十年重建

容成道院 萬厯温州府志在華蓋山下元延祐間

曹淵龍建黃帝時容成子於此修煉上昇今扁曰

太玉洞天

王光蘊容成道院記天下名山稱洞天者三十有六其十八為容成太玉山是

已山西俯郡治烟火萬井東連睥睨而長江烟波千頃山上為大觀亭舊有青牛谷五粒松三生石惜蕪沒不可復得惟煉丹井尚存相傳一日仙人著靈異於此因祠焉宋仁宗常夢游太玉數遣使

降香幣元提點曹君構容成道院以居全真之士
逮方氏據郡城乃始蕪廢今弘治十年改建於墨
池里予歸臥舊林適邑侯同安林公鼎
新道院爰為之記時萬厯辛丑十月也

樂清縣

白鶴禪寺 名勝志在治西丹霞山晉邑人張文君
修煉於此後乃捨宅為寺時有白鶴飛鳴其中因

名樂清縣志唐天授二年郡城白鶴寺改為大雲

寺因移其舊額於此宋紹興十六年重建

趙崇暉
白鶴寺

記樂城勝甲東南以雁蕩龍湫之在其境也有丹
霞山白鶴寺距縣尤邇溪流餘劑猶瑩金星竹所

遺筵尚諧宮徵靈仙栖息隱者盤旋中罹劫火焚
蕩略盡紹興季年廣聞圓鑒二師始崇堂殿嘉泰
癸亥改為十方禪林蜀僧洪照少加興復有住持
曰可昇實繼其後爰究爰度鳩工運材增敞舊規
於是佛廬僧舍皆為一新金碧陸離丹牘耀燦士
女和會稽首瞻敬如入寶花淨域莊嚴法界矣予
方嘉之而昇來求文因
隨喜作記俾鏡諸石云寺西有聽琴樓前對瀑布

後遶峯巒門扁曰丹霞山明洪武二十四年併成

叢林

沈佺期樂城白鶴寺詩碧海開龍藏青雲起
雁堂潮聲應法鼓雨氣濕天香樹接前山暗

溪乘瀑水涼無言頌居士清淨得空王焦千之白
鶴寺詩曾是文君宅幽深鎖翠峯澗松迷白鶴溪
石隱黃金丹竈今猶在蕭臺尚可尋予來不能厭
誰共聽泉音王十朋遊白鶴寺詩閒上蕭臺頂山

深喜路通人家烟色裏古寺水聲中金灘星猶在
丹成竈已空神仙何處覓千載賞遺風貢師泰白
鶴寺詩四山拔路金圓剝雙瀑垂天雪湧雷春暖
丹霞生石壁夜涼明月照瑤臺張仙入竹蒼龜代
王子吹笙白鶴來獨倚闌干望東海上方鐘磬接
蓬萊林泉生白鶴寺聽琴樓詩青山如橫琴雙瀑
為之弦何人作此曲一彈三千年上有倚天拂雲
之喬松下有伏波步月之蒼龜松今未凋龜未老
人間此曲何時了我來十月溪水消古木萬壑風
蕭蕭飛流向我作宮徵使我聽之心寂寥臨軒再
拜問此水巢由去後誰知已我今賸有兩耳塵不
敢向此溪中洗山僧煮茗樵父歌吾亦無如此水
何

國朝順治十五年圮康熙十一年僧毓美復建

沐簫寺 樂清縣志在沐簫泉旁明嘉靖間趙文韶
建天啓丙寅僧真賚重建

國朝康熙六年僧明鑄復葺十二年文韶孫久敬同僧
性真實學復修煥然一新顏曰山水清音

西巖寺 溫州府志在湖上巖石晉天福間建樂清
縣志宋大中祥符元年賜額明崇禎四年寺燬僧
真貫重建

國朝康熙十八年僧如分性真復修

能仁寺 萬厯温州府志在雁山西內谷名勝志相
傳諾詎那為開山祖按西域書龍湫雁蕩乃吾佛
弟子諾詎那尊者之化都也詎那至山中觀瀑遂
坐化宋初僧全了結菴咸平二年始建殿宇樂清
縣志四年僧居悅進百寶塔賜名承天寺政和七
年改號能仁紹興十二年郡守閻卬所奏改禪院
緇素雲集遂為雁山大道場元至正四年燬明洪
武二十四年立成叢林三十一年僧曇竺一新之

温州府志萬厯間重建

焦竑能仁寺詩捫蘿古磴坐忘曛為愛名山隔世氛

飛瀑濛濛疑挾雨靈風矯矯欲排雲林深忽送玄猿嘯夜靜時聞瑤草芬好趁天風凌海嶠滿空鸞

鶴下仙羣吳元彬宿能仁寺詩重尋蠟屐舊時痕峻岫迴流幾度村客倦白雲山外路僧閒秋竹寺

邊門一溪幽跡新過鹿萬壑清哀獨嘯猿苦憶能仁今始到上方鐘動月黃昏

飛泉寺 雁山志在東內谷宋天禧二年僧從吉建

熙寧元年賜額元末遷於戴辰峰之西絕頂上明

洪武二十四年歸併雙峰寺

國朝康熙五十六年僧藏白又建

雙峯寺 雁山志在東內谷宋祥符元年僧法遠建
後有禪僧善持誦每誦經於峯下有老人侍聽忽
不見世傳以為寒坑神龍來聽法也

國朝康熙二十一年僧果成重建

本覺寺 樂清縣志在大芙蓉唐乾寧二年建

國朝康熙三十二年僧大智重建

謹按唐僧貫休十八剎詩云本覺靈雲到寶冠能
仁古塔上飛泉普明羅漢石門裏瑞鹿華嚴天柱
邊古洞靈峯真濟並靈巖霞嶂淨名連石梁不與
雙峯遠十八精藍遠雁顛今所存者本覺能仁飛

泉雙峯四寺而已餘盡廢但四寺見貫
休詩必唐時已有之然其始建無考

壽昌寺 萬厯温州府志在黃塘隋仁壽中建唐光

啓二年慧空大師欲構材遷址忽洪水漂木聚於

此又遇一古井獲銅佛三乃成刹樂清縣志宋景

德間賜額永安崇寧賜今名元至正間燬明洪武

十六年僧文禪建

薛岵雁山壽昌寺詩野服掛僧
單禪扉月未闌桂香清近佛秋

色老依山木落遙峯出溪回流
水間相傳登蕩路數處可躋攀

芝嶂寺 樂清縣志在鳳凰山宋時建後圯

國朝康熙二十一年僧實性募緣重建

徐化民芝嶂寺記寺叛於趙宋

募五百餘年衰頽已久一瓦一木無有存者其地去邑東三里許山窮然以深境冷然而靜真焚修勝地僧實性誅茆栖霞寂寂然夫廟循其舊跡而拓大之可見物無陋者而皆可以立事無難者而皆可以興予望此邦人士廢者謀舉圯者謀整盡如茲僧之成茲寺也

東塔院 萬厯温州府志在東塔山上為白鶴寺子

院樂清縣志舊時九牛山尖有石塔震地宋熙寧

間令葛逢遷於此時有僧曰梅塔主者建塔九層

仍建塔院淳熙中令趙彥暉袁采繼建明洪武十

年僧善爽重修正德二年僧廣德建

國朝康熙二十二年釋忘牧重葺

西塔院 舊温州府志在西塔山上宋咸平間邑令
邊秀建祥符七年有七寶祥光現於塔頂紹興間
再現樂清縣志紹興二年賜額其西創觀音堂淳
熙六年令袁采再創佛殿及溫星堂元改名廣福
天柱教院明永樂間僧慧真重建

國朝康熙十九年僧伯旺重修

紫芝觀 明一統志在縣治東宋至和中建樂清縣
志張文君修丹地舊有道士林守淳依岳祠築菴
宋紹興丁卯道士丘大同經始成觀明永樂七年
重建

國朝順治六年道士張惠昇重建十五年燬十七年又
建

集真觀 樂清縣志在白石山宋至和九年道士李
少和居此大中祥符賜名白石院宣和改今名觀

宇架巖穴間客始登山羽士凭闌下瞰隱隱可數
具飲俟之炊熟而客始至團圞山腹遇澌沫處必
舍筍輿始登縈紆久之乃達內有少和影龕焉

平陽縣

仙壇寺 平陽縣志在東門外唐咸通間建層磴石

柱上有葛仙翁丹竈旁為應節嚴祠

劉平史仙壇寺詩窮窅懸

僧廬空山斷諸想猿鶴無宿期古今契真賞坐中
風雅談林壑散清響涼颼灑我髮白雲隨我杖醉
臥松石下不知海月上林景熙仙壇寺西林詩古
壇仙鶴杳野鹿自成羣松氣浮清曉經聲出白雲

石穿僧屋過水到寺門分
人世無窮事山中了不聞

淨明寺 名勝志在夾嶼山宋有光禪師每入定後

誦經則鳥雀皆來終卷乃去平陽縣志乾德間建

黃允高淨明寺詩空門流水淨一徑入雲間古寺
欲無塔平田忽有山鳥啼游客到花落定僧閒寂
寞棠陰晚孤舟帶月還

五峯慈雲寺 平陽縣志舊名五峯院在白巖唐咸

通庚辰建祀真君許遜祈晴雨最驗

國朝康熙二十八年重建

東林寺 溫州府志在西鄉唐大厯二年建

國朝順治間重興

神山寺 萬厯溫州府志在萬全鄉後有石洞葛仙
丹竈石棋枰尚存

萬行禪寺 平陽縣志在王倉山擅雁蕩之勝名人
多遊覽留咏宋咸淳間建

國朝康熙間重興

廣福宮 嘉靖浙江通志在縣南宋治平中建平陽

縣志熙寧戊申賜額聖壽紹興戊申改今名有葛

洪丹井

瑞安縣

悟真講寺 萬厯温州府志在西北隅峴山東梁時

馬真人捨宅為棲霞寺宋祥符間改今名左右有

十八井

仙巖聖壽禪寺 名勝志在仙巖山唐貞觀年建司空

圖聖壽寺銘巖之巔森戟鏡天中宅靈仙巖之瀑風
幹洞壑池洶山鑿越之喬甌之隅人逸而腴其師

某其牧寺圮而復許景衡聖壽寺詩古寺重門裏
回廊一徑幽水聲常帶雨山色最宜秋寓宿已多
日題詩更少留此生隨利祿行路自悠悠鍾清仙
巖寺詩一徑迢遙轉翠微蒼藤古樹淨禪扉廿年
不到山依舊此日重來人漸非梅雨有潭龍化去
仙巖無跡鶴飛歸賓朋散去太守醉人影鳥聲添

暉夕

國朝康熙間重興

朱彝尊仙巖寺詩咫尺仙巖寺雲峯望轉親夕陽鐘磬發猶有未歸人

護國寺

瑞安縣志在集雲山頂唐會昌間本寂院

僧無數因奉沙汰隱居於此禪定十餘年藤蘿繞
身時號僧為藤蘿尊者因地立祠名聖堂歲久圮

明宣德間重建天順二年賜額嘉靖三十年燬復建

陶山寺 温州府志在集善鄉唐天寶間建瑞安縣

志會昌六年賜真身禪院額周顯德中改通明寺

宋太平興國四年因陶貞白隱居以山名寺熙寧

五年建塔院二

石世英訪陶山寺詩深谷不易到烟霞真勝遊翻身渺雲海長嘯落

滄洲曙色楓林曉天香桂子秋更期南澗石重約泛浮丘

常寧寺 瑞安縣志在五公山麓唐咸通中建宋祥

符初改常寧院三年復為寺歲久圯

國朝康熙二十二年重建

真身院 舊温州府志在帆遊鄉宋寶祐五年建舊傳戴氏女名玄機自幼齋素誦經一旦坐化里人為建院

雲頂院 萬厯温州府志在崇泰鄉唐中和間建有觀音洞為天下第十六洞天瑞安縣志宋景福二年賜額明宣德二年崇禎十六年相繼重建

國朝康熙二十二年重修

集真觀明一統志在縣治東梁天監中建瑞安縣志舊名集玄避宋諱改今名明洪武二十年立成叢林二十七年重建

泰順縣

三峯寺泰順縣志舊在縣左晉天福間建宋祥符間賜額元至元中燬復建明嘉靖六年重建三十年改建儒學遷寺於太平橋左僧道圓重修

山交寺 萬厯温州府志在縣東十里泰順縣志明
洪武間僧太初建成化五年燬重建

國朝順治五年燬十三年重建

靈峯寺 舊温州府志在縣北十五里唐乾符五年
建宋祥符中賜額

南峯寺 泰順縣志唐咸通九年建為律院宋紹興
中改禪院明弘治五年燬僧永浙建

靈芝堂 泰順縣志在二都莒岡

張孚敬靈芝堂詩
二首此地當年產

石英蘭宮猶得舊時名我來一宿棲雲榻古柏松
巖倍秀靈五年兩度宿靈芝風景依然是舊時鐘

磬未鳴僧未起一

天明月自題詩

棲霞宮 溫州府志在迎薰門外

處州府

麗水縣附郭

法海寺

括蒼彙紀在府治東南一里唐光化二年

建名報恩宋政和七年改為神霄宮建炎初更今

名

玄妙觀

嘉靖浙江通志在府治東南崇禎處州府

志晉時為老君廟唐開元中改開元觀宋大中祥符元年改天慶觀元元貞元年改今名明洪武庚午燬惟存鐘樓天順間重修

麗水縣

城外寺觀

廣聖寺 明一統志在府城東八里名勝志唐貞元間郡守李敬仲買山築室以為棲隱之地任滿乃捨為寺括蒼梁紀宋皇祐元年賜今名

許尹廣聖寺詩刺史

何年宅而今桑柘村懸崖蒼蘚合疊壁野雲昏水面春風皺花枝暮雨痕我來訪遺蹟只有斷碑存

皇甫汈廣聖寺詩東溪斜帶郭五里接仙源嵐氣迴盤嶺灘聲到石門僧閒翠微舍客造白雲軒訝

可無機事者

鷗代晤言

廣福寺 崇禎處州府志在三巖舊名壽聖宋隆興

元年改今名

李能廣福寺詩巫峽何年劈作三至今勝跡鎖烟嵐鳥飛花雨落巖竇龍

起風雷遠石潭留供禪僧參玉版聽經山鬼護琅函晚來更覺多佳趣兩耳松聲酒半酣

國朝康熙三十三年郡守劉廷璣重修寺後有鳴玉堂

冰雪亭

大安寺 括蒼彙紀在南明山名勝志唐中和間三

平和尚所建和尚每日騎虎出門至溪津叱之還
徒步入城至晚虎候溪澣載還山以為常

佛日寺 嘉靖浙江通志在府城南五里崇禎處州
府志宋乾德三年建湯思退請為功德院賜名佛
日報恩寺內有高陽洞爽氣亭照心境界亭元至
元中燬大德中重建

萬象崇福寺 括蒼彙紀在府西南一里本宋何叅
政萬象樓元元貞元年改為萬象菴大德十年改

今名俯視城邑如在几席下近挹溪山若畫圖磴道中橫建一樓額書括蒼洞天沙門明本為之記
吳興趙孟頫書

妙成觀 名勝志唐貞元間建名龍興宋改今名括蒼彙紀在少微山唐天師葉法善居之元至元二十五年重建有春新堂溪屏閣天然圖畫亭掀蓬

室

劉基掀蓬室詩我訪仙家溽暑前青楓綠柳暗前川竹根露濕登山屐沙際鷗迎渡水船雲氣

長留虛白室丹先直上蔚藍天純陽道士重來日為問蓬萊在那邊

縉雲縣

黃龍寺 括蒼彙紀在縣西北十二里唐乾寧三年

建

廣慈寺 崇禎處州府志在縣西北三十里唐會昌

二年建

應覺翁廣慈寺詩靈山波上謝明鷗東厯山前問牧牛回首蒼梧烟霧遠稻花香冷

舜田
秋

永寧寺 嘉靖浙江通志在縣東北五里唐中和初

建明洪武初重修

李棠永寧寺記縉雲縣沿溪而東三里一徑折而北由兩山間

數百步又折而西磴道縈紆峯巒迴合前望綺園
紺池修篁古木鐘梵隱隱穹林中永寧禪寺在焉
寺起於唐厯宋中葉為葉樞密祠僧他徙者數十
年宋社既屋迄復於舊寺為山叢林主僧多四方
之遊者迭為之故租入不時費出無常僧房佛宇
浸就墮壞邑之僧惟高以身任之遂構方丈兩廡
堂殿像設煥然一新將大有興作而高示寂矣其
徒文惠繼之山門翼然重屋巍然漏厨器什百爾
皆備又置田數畝曰吾師之志也景泰己亥春予
謁病歸自嶺南屏去時事日挈二三知己游燕永
寧數過弗厭也戊寅冬文惠復即法堂之後構屋
五楹中為堂奉羅漢諸天像東西為軒蓄儒釋書
數十卷日吟咏其中即之者有出塵氣象因扁其
堂曰悠然物外士多為詩歌咏之明年春予復過
文惠坐東軒清話竟日歸惠送之溪許請曰先師
立之難而惠承之不易冀有述以貽不朽可乎予

嘉高與惠之志故
著其始末俾刻之

廣嚴寺

縉雲縣志在邑北三十里吳赤烏元年建

梵嚴寺

括蒼彙紀在縣北十里吳越寶正四年建

劉世裕梵嚴寺詩一水縈紆十里山梵王宮闕翠
微間樓臺隱隱紅塵遠鐘鼓沈沈白晝閒雲蘿鉢
池龍未醒烟消茶竈鶴初還老僧
厭客頻游賞花外重門帶雨闕

天壽寺

縉雲縣志在縣西十里晉開運間建

昌谷寺

縉雲縣志在縣東南二十里唐咸通二年

建

妙相寺

緡雲縣志在縣南一百里宋建隆元年建

九松寺

緡雲縣志在縣東六十里晉開運間建

玉虛宮

仙都山志在仙都山中黃帝飛昇之地唐

天寶戊子勅封仙都山建黃帝祠宇歲度道士七

人以奉香火宋治平乙巳改今名

葉夢得仙都觀記仙都觀在緡

雲縣東四十里舊傳黃帝煉丹其上唐李陽冰為令時書黃帝祠宇四大字尚存山水奇秀見之若

圖畫殆不可名狀也其東十里

有崇道院號小僊都宮東坐西向陰陽者流

謂虎瞰而角法宜改作景定庚申道士陳觀定遷

宮地元延祐庚申道士趙嗣祺欽受宣命佩服由

是宮門增重舊觀

虞集玉虛宮記縉雲仙都山者道書以為玄都祈仙洞天黃帝

於此煉丹仙去唐天寶中賜號仙都山祠宋治平三年賜名玉虛宮天禧間連年勅修醮宣和三年燬於寇道士游大咸作之開慶中郡守劉安更定面勢命道士陳觀定改作入國朝宮日廢道士趙嗣祺世居縉雲受業茲山延祐元年奉旨主領宮事始重新之至順二年仙都宮成勒文表之石

青田縣

梵興寺 括蒼彙紀縣南八十里唐大順年建

張皇軾梵

興寺詩扁舟漫說似乘槎為愛春光渡水涯荒寺有僧環種竹石田無地不抽麻數聲牧笛和鶯語

遠徑松濤逐浪花今日薰風
回草野好攜明月到山家

棲霞寺 明一統志在縣南二里括蒼彙紀舊名披

雲唐天寶初建

梵宗寺 青田縣志縣西十五里宋咸平間建

天福寺 崇禎處州府志在縣東十五里元時建陳德

戴天福寺詩尋涼遊寶地一境入叢林溪隔人家
小雲藏佛殿深檀香飄午寂松影下秋陰為愛山

泉湛時來
浣俗襟

法昌寺 括蒼彙紀縣西三十里唐大中二年建陳彥

思法昌寺詩春遊偶到法臺山山色蒼茫紫翠間
殿閣玲瓏明曉日烟霞舒卷出塵寰何人便作終
身計老我寧辭半日間歸去夕陽溪上路遙看林暝鶴飛還

崇道觀 嘉靖浙江通志在縣西唐天寶初建

太清宮 崇禎處州府志在縣西北二十里宋咸淳
中建其地有仙人壇

松陽縣

治平禪寺 松陽縣志在縣西一里舊名普通院唐咸
通十二年改護國寺又改天王院宋淳祐間改資

聖寺治平中改今名

王安國治平寺記處州之松陽資聖寺距縣郭西一里出

入甌閩者由之取道禱祠觀遊者無時而不集太宗出御書真宗出芝草使藏其中而仁宗又出御書其興久矣英宗即位之初詔天下寺觀無籍而額不出於朝廷者聽州縣條上特賜以名於是始用治平之紀元以易其額而歲度學者一人道寧乃輸錢於印經之院售五千四十八卷歸之寺又合錢萬一千有奇屬弟道隆者使作轉輪之藏有殿有堂列以兩廡又命僧省文丐佛像六十二以期年而就噫何其盛也同郡國子監直講龔源深之乞予文揭之碑遂為之書

元大德間

善因寺僧慧鍾來主茲寺重興殿宇

延慶寺 明一統志在縣西五里梁普通中建松陽

縣志名雲龍唐改今名括蒼彙紀有浮屠二百五十尺乃行達禪師西竺取佛骨舍利建之常有神光現於塔

善因教寺 括蒼彙紀去縣西四十五里梁大同四年建松陽縣志舊名開善宋改法善元至元間改今名

淨梵寺 崇禎處州府志去縣東二里宋淳祐年建

胡世定淨梵寺詩小徑斜分破寺門平橋驚曉起
清奔佛衣全浸綠苔冷石井半留殘雨渾看到虎

蹤知路靜驗來花氣識山尊不妨
橡栗供厨粉鄰縣依稀稀杜老村

法昌寺 松陽縣志在縣西三十里梁時建名靈巖

隋大業間廢尋復興改今名元至元間復廢明洪

武六年化成寺僧諾然重修

楊谷法昌寺詩綠陰
遶寺稻苗肥風遶長

廊暑力微清睡不堪花
外鳥枕邊喚起又催歸

福安寺 崇禎處州府志去縣東南三十里梁時建

朱文公宿此與王寬菴講學

普濟院 括蒼彙紀去縣南十五里唐會昌中建松

陽縣志元大德間僧仁壽葺而修之

陳晟普濟院記松陽縣有

山曰南巖地幽境勝甲於一邑中有寺曰普濟舊名湧泉初建於會昌二年宋治平間始錫今額中廢而寺僧思穎善持者經其始了證智深者成其終歲久傾圯僧仁壽與本師居心圖復新之方撤舊而師已化矣仁壽節奉匱藏以卒其功子謂茲院既興不可不識其事以垂永久既勤主僧之請因書其顛末以遺之

逍遙觀 松陽縣志在縣西一里雲巖之陽梁大同

元年建舊名洞陽至宋宣和改今名

葉仲謙逍遙觀記松陽實

唐天師奕世仙隱之地靈蹤具在縣東二里為洞陽山有觀曰逍遙曲徑斷塹人跡罕及邑官祝釐

祈福舍此殆無所之也令尹張公邦彥嘆其卑陋阻遠思易其地而新之偶得於西北隅去奉真門半里許有嶺曰望仙林巒四環形如洞門上有湧泉色白如乳顧謂陰陽家曰地占靈源位據乾岳棲真之宮無以易此遂以其舊觀為子院而遷額建馬廐工雲蒸不逾年而畢嗚呼是非善政得民而人樂趨之其能集事若此乎予以戊戌東歸觀副事葉冲妙狀其實屬為文以志歲月因為之書

崇禎處州府志明天啓間重修

永寧觀 嘉靖浙江通志縣西二十里唐葉法善建舊有葉公碑李邕撰并書崇禎處州府志有銅鐘乾元二年鑄宋宣和初方寇焚蕪烈焰中不爍聲

亦不殺浮屠百人舁之不能動及鐘樓再造數人
挽而上之唐郭階有鐘銘并序松陽縣志門扁曰
淳和仙府

遂昌縣

報願寺 嘉靖浙江通志在縣東陳大建中建遂昌
縣志宋大中初賜額慶元間僧清心重建元初圯
至正二年僧文惠重建明正德間山門西廊燬嘉
靖初知縣蕭質令僧募衆復建後大殿就圯萬厯

三十一年知縣辜志會命僧募衆建

齊鼎報願寺詩懶性偏宜

靜禪房獨掩扉迸窗新笋長繞砌落花飛夜月聞僧梵烟嵐灑客衣心清宜有悟春盡亦忘歸

香巖院

括蒼彙紀在邑西四十里周顯德五年建

王鉉香巖院詩地爐煨火柏枝香借宿寒窸到上方山近白雲歸古殿風高黃葉響空廊敲門僧踏梅花月入夜猿啼楓樹霜夢醒不知窗日上時聞經磬出松堂

勝因院

名勝志隋大業間尹真人煉丹成舉家上

昇以故宅改建宋侍郎龔原作記頗詳其事遂昌

縣志在邑東三十五里僧文瑞重建舊稱騰仙大殿

寶嚴院 遂昌縣志在邑西二十里宋乾德二年建
名多寶治平二年改今名有羅漢閣彌勒殿甚偉
今俱圯扁額係宋理宗御筆

資聖院 崇禎處州府志在邑北十里又名東梅宋
紹興年間圯於水僧智積復建

翠峯院 括蒼彙紀在唐山五代時僧貫休建後圯
明嘉靖間僧默照重建

紫極壽光宮 明一統志在縣南梁時有異人煉丹

於此後乘雲上昇賜額登雲觀遂昌縣志在瑞山
麓唐葉法善煉丹之地宋元符三年老君像眉端
神光見郡邑表聞政和三年降御容於宮宸翰賜
額大書紫極壽光之宮六字今存宣和辛丑經寇
紹興甲子又圯於水後重建道士章思廉范子珉
項舉之俱登仙籍今為道會司

王鑑壽光宮詩并
氣蒸雲濕石欄白

頭道士自燒丹開門風帶琴聲出一陣松花滿醺
壇朱應鐘紫極壽光宮詩仙境通靈室林香落斷
霞鳥啼丹洞竹人掃玉壇花上士談玄秘
名山貯法華塵羈如可脫從此覓丹砂

太虛觀 崇禎處州府志在邑西五十里大柘東樓

山之下唐乾寧二年建

尹廷高太虛觀詩路入烟蘿別是我來散髮坐風

軒玉壺積翠花香潤石洞藏丹雲氣溫水影倒棲松頂鶴谷聲遙答嶺頭猿此中妙處誰能畫寫入

篇章當草玄

雲和縣

大慶寺 括蒼彙紀在迎恩門內唐大中二年建舊

名垂休為接詔迎春之所歲久傾圯明萬厯六年

知縣蕭淵重修改今名

景德寺 崇禎處州府志在縣西十里唐大初建

清修寺 雲和縣志在二都距縣十里

廣因寺 括蒼彙紀在縣西三十二里

永福寺 雲和縣志在九都距縣四十里

大興寺 雲和縣志在六都距縣十五里

天真寺 雲和縣志在二都距縣五里

光化寺 雲和縣志在七都距縣十里

萬壽觀 崇禎處州府志在縣西百步宋咸淳六年

建

華陽道院 雲和縣志在縣北

龍泉縣

崇因寺 括蒼彙紀在縣東金鰲山之北舊有銅鐘一口大數十圍時或飛去初有一行脚僧鳩銅鑄此鐘去之日曰俟我去三日而後擊僧去寺主即登樓撞之聲達八十里自後凡叩鐘八十里外不聞也名勝志鐘忽一夕在嵇聖潭又一夕在吳岱

山塢寺僧視之但聞鐘腹有咆哮聲而風雨逼人
無可為計翼夜其鐘自還又有木魚在東廊長丈
許唐物也宋時有竊而載之舟中者夜自有聲風
波洶湧懼而返之明正德八年寺火而木魚無恙
又有石筆一枝出地尺餘圍三尺根深丈許龍泉
縣志有七塔峙於外二塔峙於內

崇仁寺 嘉靖浙江通志在縣南五里五代時建有

華嚴塔宋何執中常題詩於塔頂

季達崇仁寺詩
步步擁長林莓

苔一徑深排雲雙塔迴背日片巖陰瀑冷清
禪骨茶香醒客心興窮詩未就風外一蟬吟

資聖寺 崇禎處州府志在縣南十里明邑令鄭奎

光重興

鄭奎光資聖寺記自邑治度留槎洲左折而南三里許有寺曰資聖傳創自天福時

故有香燈田若干頃以聚僧說法誘勸愚蒙中葉來田久沒入民間法侶解散寺幾墟矣予視事來業卓塔於蓮山之脊多士言近資聖寺告圯予即躬自省視遂召僧真容肩修營事清理田計四頃二十七畝有奇其羨為梵修資者緯如也塔之麓即故嵇聖橋歲久不復予復令涓吉載事夫緣塔及寺緣寺及梁道不偏廢用實相成予因是而恍然於資之義也龍故枯蒼僻邑地錯萬山民相習蠢悍今者有田以處僧有僧以說法彼民亦資是而振蒙為醒化獷為悖破慳為施津津福利不敢

志縱資之為義大矣哉先於地中得石高廣如碑
制皆欣欣相告曰天資之以登盛美也請予為之
辭予得暢言所以資聖之義云

清修寺

拈蒼彙紀在縣北三里

葉子奇清修寺詩
翠微度禪房幽響

發清磬雅稱觴咏娛初無笳鼓競飛花送餘
春杯酒傳雅令歸鞭裊清影皎皎三月映

性果寺

崇禎處州府志在縣西六十里

真山民性
果院訪忠

上人不值詩管領東風入杖藜落梅香裏過招提
苔痕一徑白雲濕花影半窗紅日低欲見高僧聊
爾耳便乘餘興去來今葛藤有
話無人識付與隔林幽鳥啼

鳳棲寺

龍泉縣志在縣東二十里

真山民遊鳳棲
寺詩十載重遊

古鳳棲連營新迹綠楊堤欲談時事佛無語不管
閒愁禽自啼苔滑空廊妨散步塵昏老壁失留題
僧家田地隣家種
菜甲春風綠滿畦

集福寺 龍泉縣志在縣西二里括蒼彙紀東廊有

魯般鐘樓約高七丈人每登樓輒動撞鐘則四柱

振撼有危殆欲墜之勢經今數百載如一日鄭奎光重

修集福寺記龍邑西去二里桃源天台山洞奧絕
選佛之地此居最焉晉天福間建集福寺於山下
雄宮偉殿諸刹叢林不能與之爭勝長老言鐘樓
出公輸子手昂霄挿漢縹焉若飛鐘可容百石造
時士女競投釵釧痕尚宛然霜月飄鐘與唄聲俱
冷卓錫之侶因而雲來自晉迄明有興無圯茲歲

月變更流冠為厲縱佛法全力其何能守予以乙丑夏來視邑事日與僚佐諸士問洞天台遠巡此寺見其蓮座欲傾獅象無主廣殿長廊幾臥荆榛中同人迷景不勝今昔之感乃嘆曰法王亦有蹇乎孰主張是今零落如此會比邱真容發願新之予壯其志分微祿以資始費不下十千緡而衆願俱發不募而輸三年間殿宇禪堂門廊階庀吐日月之華飛烟雲之色諸佛攸館衆聖還所棲矣

萬壽宮 名勝志唐乾元中建名寶聖宮龍泉縣志

在縣西四里宋慶厯二年重建改曰太和元符三年改名奉靈崇寧間住持吳應能以符水遇徽宗賜號妙應先生出內帑營繕偉麗倍前御書天寧

萬壽之宮以寵之應能復卜宮後吉地請構皇帝
本命殿仍賜名紫霄介福殿及聖像撥三衢田十

頃給御用金器四置衛兵勅令郡縣官歲時朝謁

寵遇隆盛

何執中萬壽宮記崇寧四年九月詔即處州龍泉奉靈宮之舊址斥而新之改

賜額曰天寧萬壽宮為國家祈天永命之地且以
旌妙應先生吳應能施德濟民之效也大觀改元
冬十一月有司以宮成聞有旨俾執中為之記謹
按處州介閩浙之間地靈境秀洞天福地封陞相
望而此州資以為勝者殆十之二仙風鬱然殊冠
於一方應能生長龍泉棲迹奉靈自言常遭異人
得布氣術雜用符水治病輒愈召見考驗不誣禮
賜殊緡久之以其居為宮大其基構門闥殿寢窮

極宏麗役不旬月民不知病而靈壇秘宇赫然一新賜道藏經四千五百五十一卷給田十頃歲度道士一人紹興七年改為報恩光孝宮十三年詔復舊

名

隱真觀 龍泉縣志在縣西二里

李大明隱真觀詩
晚鐘敲罷茶烟歇

白雲飛度清風發
山童尋鶴未歸來
閒拾松枝候明月

慶元縣

石龍寺 慶元縣志在石龍山下唐乾符間邑人捨

址建宋寶祐元年邑人吳濟造經藏一輪今廢明

天順元年改名神力寺嘉靖三十七年邑人吳安

慶募修易名塔院

毛炳石龍寺詩陌上尋春儘日間門前新柳未勝攀溪環北郭

浮龜石寺枕西峯對象山雨雜松聲鳴梵閣烟舍竹色隱禪闌焚香對坐客中寂薄暮遙看宿鳥還

國朝順治十七年重修

天銘寺 慶元縣志在縣東象山下建自蕭梁元至

元間僧至善重建明嘉靖間重修

國朝順治間邑人姚鐸建後堂

姚鐸天銘寺詩秋老山行悲落木黃花對酒一

高歌蘿侵斷壁題應徧蘚蝕殘碑字欲磨漆水舊聞蕭寺鶴聽琴誰識遠公鵝渡江已舍津頭筏隔

岸回看
翠靄多

淨心寺 括蒼彙紀去縣四十二里唐乾符三年建
久壞明萬厯元年僧募緣重修

國朝順治十年僧勝道重修

慈照寺 崇禎處州府志去縣一十五里唐乾符二
年建明正德二年重修東有雲巖西有金龜南障
薰屏北列中峯寺之出奇者也

莊嚴寺 括蒼彙紀去縣二十二里唐中和三年建

宋大觀三年僧子端建藏殿并寶藏

覺林寺

崇禎處州府志在縣十一都宋太平興國

二年建

吳美中遊覺林寺詩呼泉撥火此山中一縷茶烟撩竹風忽見斜陽開晚色相將待

月出
林東

勝隱菴

慶元縣志在下管迴龍山

國朝康熙九年僧海雲重修後有瀑布鶴洞蝶屋試劍

石洗耳泉停仙巖飛嶂石印月潭修竹茂林夏不

知暑

宣平縣

普照寺 括蒼彙紀在縣西北一里唐會昌六年建
舊名福田宋祥符改今名今為祝釐習儀之所

隆福寺 崇禎處州府志在縣西三里梁大同三年
建

雲巖寺 括蒼彙紀在縣西五里原係鮑村鮑家菴
元至元間為寺

清修寺 崇禎處州府志在縣東十六里梁大同二

年建

冲真觀 嘉靖浙江通志在縣北六里唐葉法善建

有李邕所撰碑括蒼彙紀葉法善捨室為之賜額

宣陽續名冲真今煉丹井及銅鐘尚存

舒祥冲真觀詩短牆

斷粉畫圖漫窗外餘陰竹幾竿過耳笙簧啼鳥歇
隔簾香雨落花寒烟邊茶竈留宿語月下芸篇伴
鶴看一著殘棋蕭散
後無端清思好凭欄

紫陽觀 括蒼彙紀在縣南十五里宋元祐四年

朱芹捨宅為之

景寧縣

金仙寺 括蒼彙紀在縣西一里宋咸平元年建續

處州府志舊傳寺宇落成忽溪水暴漲泛一枯槎

長十丈餘而圍半之橫於寺前質類沉香形如怪

石遇一異匠剖而碎之疊於壁間成雲霞巖壑之

狀中塑大士羅漢諸像渾若天成至今一塵不染

亦大奇觀也

潘琴金仙寺詩少年湖海憶仙關解組重遊鬢已斑對竹最宜當戶月登

樓尤愛隔溪山不探物外烟霞趣誰識靜中天地寬清世已無塵土夢杖藜寧憚日盤桓

澄照寺 崇禎處州府志縣南四十里唐咸通二年

建宋乾道二年遷大赤明成化六年重建

潘琴澄照寺詩

一出衡門百慮寬
烟霞穿盡到禪關
松蘿虬結攢新翠
棟宇翬飛改舊觀
嵐氣著衣晴似雨
山風醒夢暑猶寒
小窗獨坐清無比
莫怪閒雲久戀山
王華澄照寺詩
朔風肅寒威草木
半摧落喜見松柏
青山林未蕭索
遂為郊原遊
停輿登禪閣
禪居斷俗氛
幽間有真樂
鳴泉振玉聲
羣壑擁屏幙
爐香浮晝氤
清茗薄燕酌
野目盼征雲
憑軒看巢鶴
少憩覺心怡
百慮俱忘却
顧予塵祿人
此心良自忤
何如鶴溪翁
高志凌霄廓

清修寺 景寧縣志在縣東唐咸通二年建有趙孟

頤書扁

普化寺 括蒼彙紀在縣南鷓鴣村唐天祐元年建
今重修

惠明寺 崇禎處州府志在縣南十里唐咸通二年
建今重修

嶺後菴 景寧縣志在廬山即馬夫人祖居殿後山
巔飛昇處亦有小殿望之如青蓮然

浙江通志卷二百三十四

欽定四庫全書

浙江通志卷二百三十五

陵墓一

禹志傳於會稽歷代皆崇禋祀其他王侯將相衣冠劍履之所藏雖歷年寢遠而遺蹟猶存

聖朝澤被幽明於先代帝王陵寢暨名賢墟墓時飭有司修葺而且採樵有禁侵軼有防著為令甲懷古之士能不徘徊而生敬慕乎志陵墓

杭州府

錢塘縣

晉抱朴子墓 成化杭州府志在葛嶺寶雲寺

仙傳詳釋

吳萊登初陽臺謁抱朴子墓詩人生擾擾間頗覺
天地窄我憶抱朴子高堂睨空碧初陽出山上照
破萬古石丹光動鼎鑪霧氣浮冠烏遺書上下卷
道妙或黃白老衰及病瘦辛苦為形役豈伊鸞鳳
姿終以狐兔宅尸解本無形空飛寧復蹟鄭君曾
有傳勾漏恍所歷降子儻可問稚川特未隔幽林
來翹翹缺井守蜥蜴神仙果何人海嶽長獻劇世
傳老聃死吾謂方朔謫虛墳誰所為怪樹獨悲激
滿前湖與山秋色落几席
因茲些爾魂目送天邊翮

謹按陵墓所載大概本省人物居多而名宦寓賢亦間有之其分見於各門者已錄專傳或誌銘中辭意與本傳相仿者概不重載其有語涉葬地及葬後有興廢者存之至若封公贈公以及姓氏未列人物者則從墓碑行狀中間採入爵里事蹟使後之人有考焉

晉杜子恭墓 萬厯杭州府志在縣北郭

傳詳仙釋南齊書孔

稚珪傳孔靈產東出過錢塘北郭輒於舟中遙拜子恭墓

隋真觀法師墓 杭州府志在天竺東岡開皇十五

年師居天竺手標葬處久廢不治宋天禧間王欽

若判杭州時訪得之甓甃甚工

唐馮孝女墓 萬厯杭州府志在孝女北鄉報恩寺

後山古城頭

傳詳列女

唐孝女醜娘墓 咸淳臨安志在孝女南鄉

傳詳列女

吳越國文穆王墓 吳越備史王諱元瓘謚文穆葬

龍山之南原

傳詳武功和凝文穆王神道碑雲起龍驤化為侯王鴻鸞鳳翥鸚鵡立鷹揚

凜然勃氣綽爾雄鉅大名之後五世其昌武肅開基奄有吳越思洽百城名馳雙闕既委招懷復專征伐燾土苴茅秉麾仗鉞尚父棄代元帥承家傳榮襲慶奕葉重葩有典有則去甚去奢威名烜赫

事望光華譚數縱橫詞泉浩渺曹植思遲崔瑗書少月夕花朝猿巖雁沼筆落綵牋風生綠篠神傳

射訣天富兵鈴龜文月角燕頤虬髯威能伏獸名
可愈疔撫衆以惠待士持諫事必有恒政皆求理
扶弱遏強先人後已但見偃風莫聞狎水阜康蒸
黎廓清邊鄙量陂素廣德岳彌高禮延耆碩令肅
權豪庭趨忠烈府集英髦講論韜畧獎勸勲勞自
靖稱藩益勤述職虔布詔命動遵楷式每陳貢輸
常踰萬億表率方隅匡扶社稷功庸罕對渥澤無
倫禮優伯舅位極人臣鎔金鏤玉龜紐龍綸永承
當代莫繼芳塵禁暴戢兵取威定霸方賴控臨忽
聞薨謝雲慘長空星沈永夜號動軍民涕泗華夏
初聞訃奏尋輟視朝深嗟旦爽不及松喬倍加贈
襚久罷蕭韶君臣分至水陸程遙間傑淪亡英賢
繼襲擗踊悲摧無所迨及益務撫循加之周給人
情既安兵威自戢一方肅靜三世輝榮朝宗事大
誓志傾城欲先家世上奉聖明願書貞石用顯聲
名金玉令人鼓旗良帥德盛功崇文經武緯述之

莫窮言之無愧庶幾乎百
世千秋人見之而墮淚

吳越國忠獻王墓 十國春秋王名弘佐諡忠獻太

常卿張昭撰神道碑文葬於龍山之西南原

傳詳武功

吳越孝獻世子墓 咸淳臨安志在天竺前山

吳越備史

弘傳文穆王第五子母魯國夫人鄭氏時王年將四十冢嗣未建及生特加鍾愛累奏授兩浙副大使果州團練使國建立為世子年十六薨追諡孝獻

吳越王妃仰氏墓 咸淳臨安志在龍井山放馬場

按表忠觀碑載錢氏墓在錢塘者二十有六在臨

安十有一今不可悉考

十國春秋元妃仰氏湖州人父仁詮以牙將事文穆

王有功積官至寧國軍節度使
天福八年冬忠獻王納為元妃

吳越忠懿王妃孫氏墓 十國春秋妃名太真錢塘
人泰寧節度使承祐之姊周勅封吳越國賢德夫
人宋開寶元年王與妃及世子惟濬入覲加封吳
越國王妃是歲歸國薨葬石人嶺下

吳越太尉開府儀同三司謚貞顯薛居正墓 咸淳
臨安志在靈石山塚前生紫藤遍繞三峰之上其

三世孫昂仕至尚書左丞葬天竺山妙法院

吳越給事羅隱墓 成化杭州府志在定山鄉居山

里

傳詳
文苑

謹按研北雜志云謝皇父常至新城故老言羅隱給事塚在縣界徐村之水塢家碣猶存梁開平四年沈松志又紹興府志云隱寓居蕭山卒墓在許賢鄉明一統志云隱墓在涇縣東七十里江西通志云羅隱墳在樂安縣羅家潭其說不同未知孰是今仍舊志存以俟考

宋郭皇后夏皇后李皇后韓皇后攢宮 成化杭州

府志並在錢湖門外三里南山之修吉寺每歲春

秋太常卿朝獻官吏職掌兵士守衛皆如會稽攢

陵之儀

宋史新編郭皇后間封人奉直大夫直卿之女孝宗為普安郡王娶焉生莊文太子

魏惠憲王謚恭懷後改安穆又改成穆夏皇后宜春人普安郡王夫人郭氏薨憲聖太后以夏氏賜王即位立為皇后謚安恭寧宗時改成恭李皇后安陽人節度使道之女高宗聘為恭王妃生嘉王即位冊為皇后謚慈懿韓皇后相州人忠獻王琦六世孫寧宗立為皇后謚恭淑

宋莊文太子攢園 成化杭州府志在錢湖門外又

莊文園右法因院為景獻太子攢園

宋貴妃劉氏攢所 武林舊事在鳳凰山奉華寺西

湖游覽志貴妃臨安人父懋獻錢二萬緡助軍費
高宗嘉之令建寺以為功德

宋貴妃黃氏攢所成化杭州府志在西蓮瑞相院

宋史新編光宗貴妃
為李后所妬暴卒

宋貴妃賈氏攢所武林舊事在崇恩演福教寺

宋史

新編賈涉之女紹
定五年封貴妃

宋知杭州府加兵部侍郎胡則墓咸淳臨安志在

西湖龍井廣福院之麓

傳詳名臣范仲淹胡侍郎
墓誌銘皇考諱彭王考諱

淑皆隱於唐季考諱承師以積善稱公少而倜儻
負氣格累官工部侍郎集賢院學士進刑部并牧
餘杭郡踐更中外凡四十七年加兵部侍郎致仕
朝廷命長子通判錢塘以就養享齡七十有七夫
人潁川郡君先以壽終子四楷湘桂淮銘曰進以
功退以壽義可書石不朽百年之為今千載後

宋直秘閣錢龢墓 杭州府志在靈隱天竺兩山之
間

宋和靖處士林逋墓 萬厯杭州府志在孤山之陰
元至元間儒學提舉余謙修葺植梅數百本構亭
於下明成化十年郡守李端重修邑人于冕沈恒

於墓上重種梅樹

傳詳隱逸西湖遊覽志餘初逋客臨江李詒始舉進士逋謂人

曰此公輔之器逋卒而詒適知杭州為製經麻服與其門人哭而葬之刻其臨終詩納之壙中葉森修葺和靖先生墓堂記和靖先生墓在孤山宋紹興間建四聖延祥觀詔勿徙墓後賈似道葺祠宇命金華王庭書和靖先生墓五字表墓道林泳為記至元己卯江浙儒學提舉余謙德搗命森修葺之始於是年四月廿三日成於五月十三日祀以少牢名其軒曰鶴軒植梅數百本於山之上德撫命森書石馬林景熙過林墓詩回首咸平夢清風自滿湖乾坤一士隱身世此山孤鶴去空秋影梅開尚舊株耳孫今白髮持酒酌寒蕪高齋拜林和靖墓詩玉涵香骨老雲根占斷孤山水月村薦菊泉清涵竹影種梅地冷帶苔痕生前已自全名節身後從誰問子孫惟是年年寒食日遊人來與酌

清尊錢思復拜和靖墓詩梅花岡上酌先生詩句
猶同水石清僧飯林鐘時復叩客來野鶴不能鳴
百年榛莽餘瀛嶼九月芙蓉似錦城
更約雪晴湖上宿笛聲留向夜深橫

國朝雍正九年糧儲道朱倫瀚重修

宋淳梁尉吳天秩墓 杭州府志在龍井

傳詳
文苑

宋司徒章得象墓 萬厯杭州府志在棲真院側

傳詳

名臣

宋都尉周邠待制周邦墓 杭州府志俱在南蕩山

宋少師元絳墓 成化杭州府志在南蕩山

傳詳
文苑

宋徐申墓

萬歷杭州府志在南山棲真院

武林舊事申字

幹臣號
青山翁

宋冲晦先生徐奭墓

靈隱寺志在靈鷲山

傳詳
隱逸

宋祠部員外郎強至墓 武林舊事在小麥嶺今石

羊虎猶存子文憲公淵明墓在西溪

傳詳
文苑

宋樞密章粲墓 夢梁錄在寶石山

萬歷杭州府志
建州浦城人

歷官同知樞密院事授資政殿學士中太一宮使
卒賜卹甚厚命其壻劉何使兩浙共葬事贈太師

諡莊
敏

宋儀王仲湜墓 成化杭州府志在西湖顯明寺咸淳

臨安志仲湜生有紫光照室靖康間六軍欲推王立之王仗劍以却曰自有真主其徒猶未退欲伏劍死六軍遂與王約以逾月而真主不出則王當即大位王陽許之未幾高宗即位於應天王間關而南上屢嘉嘆之主祭濮王子孫視諸邸為蕃衍蓋為善之報云

宋尉曹將金勝祝威墓 杭州府志在雲陽洞右許見

祀祠

宋贈直龍圖閣浙西提刑周格墓 咸淳臨安志在

獨角門步司前軍寨萬厯杭州府志格子肇丕俱死節贈官勅葬其子祔焉格

弟祀墓在錢塘縣九里松木岡塢建炎二年祀知
常州值苗劉之變倡義勤王以功除右文殿修撰

卒

宋祕閣朱弁墓 萬厯杭州府志在智果院後尤文

簡公哀作銘

宋史本傳字少章徽州婺源人建炎初議遣使問安兩宮詔補修武郎為

通問副使至雲中見尼瑪哈尼瑪哈邀說甚切不聽使就館守之以兵紹興十三年和議成得歸入見便

殿賜金帛甚厚秦檜惡其言敵情僅轉奉議郎十四年卒成化杭州府志弁卒於臨安府白龜池之

寓舍遺命歸葬不果權厝西湖智果院後四十年其從孫善官浙中卜葬錢塘縣積善峰下熹六世

孫慶元路學錄圭作永思堂於其側

宋太府寺丞知安遠縣陳剛中墓 夢梁錄在龍井

嶺上沙盆塢

咸淳臨安志剛中福清人建炎二年登第任太府寺丞應詔上封事主議

恢復忤秦檜意謫知安遠縣適有嶺寇之擾究心招撫感瘴而歿其妻子扶柩抵臨安葬焉

宋贈太師謚武僖封鄜王劉光世墓 萬厯杭州府志

在定山北鄉

傳詳名宦

謹按咸淳臨安志成化杭州府志皆作鄜王劉琦墓考宋史本傳劉琦之卒贈開府儀同三司並未封王爵也光世於孝宗朝追封安成郡王寧宗時追封鄜王故從萬厯府志作劉光世墓

宋殿步帥謚襄恪趙密墓 咸淳臨安志在西溪欽

賢鄉中興以戰功顯嘗為殿步帥

宋都運趙翬墓 杭州府志在徐范村之間

宋忠武王岳飛墓 輟耕錄在棲霞嶺王子雲旁附

馬萬厯杭州府志初飛潛瘞九曲叢祠孝宗時改

葬是處墓木皆南向明景泰間同知馬偉修葺取

檜析幹為二植墓前名分屍檜正德八年都指揮

李隆範銅為檜檜妻王氏方侯嵩三像反接跪墓

前嘉靖十四年巡按御史張景刻盡忠報國四大

字於石樹墓之南

詳見祠祀徐階岳王墓記宋鄂國岳武穆王故有祠在墓所嘉

靖乙未春廵按浙江侍御張公慕王之烈率諸吏士造而謁焉既乃觀王遺像讀所作滿江紅詞送張紫巖北伐詩慨然想見王之為人又退而論王之世至所謂以背示何鑄有盡忠報國四大字深入膚裏者於是礪石謂叅政洪君珠曰為書之謂階曰為紀之階昔讀明道先生書有言曰天下之事須才與至誠合一方能有濟才而不誠雖有忠義功業亦出於事為浮氣幾何時而不盡竊嘗執是評古之人物至武穆王事未始不嘆王之才與誠非尋常號有忠義功業者所能擬也王始起徒步在諸將中位最卑年最少然而百戰百勝為功最多鄆城之捷廬州之援其才大率類漢淮陰侯高宗之始用王有精忠之褒有中興之委其為知遇亦大率類漢高之於信然信困楚之續拒徹之

欽定四庫全書

卷二百三十五

言雖有可稱而快快之私率不免萌於奪爵之非其罪惟王自破劉豫唐州之後銳意欲取中原於時高宗方感於奸搆以節制先州則不果以諫阻和議則不納以親灑掃諸陵則不從蓋高宗之用王者已大異於初而王援鞏毫畧汝鄭經營潁蔡為之益力比進軍朱仙恢復之功且垂成矣而班師之詔遽下未幾王亦身及於戮以忠受禍至今論者猶寃之而王怡然就死畧無憤懣不平之意其視信失王則不赴討狝之徵臨刑追咎拒徹之誤者固未可同年而語也然則王忠義功業非激於高宗之知遇如信解衣推食之云非懾於天下之議已如信悖人不祥之說特其殉國之心真切懇至意以為幸不死於戰即歸死於獄苟初心之不違斯隨遇而安耳非誠之至也奚能為之故語王之純節惟漢諸葛忠武侯唐郭汾陽王可為儔匹而汾陽之才又似不及王蓋三代以降才與至

誠合一卓然炳然者王及諸葛兩人而已方今天
下承平士幸生其時如王之忠義功業固無由自
見然而有官守言責者體王之心以修其職以盡
其忠則豈有異道乎階故不辭而記之碑為石四
以是歲八月望日立於墓之南趙孟頫岳墓詩岳
王墳上草離離秋日荒涼石獸危南渡君臣輕社
稷中原父老望旌旗英雄已死嗟何及天下中分
遂不支莫向西湖歌此曲水光山色不勝悲林清
源岳墓詩誰收將骨葬西湖已卜他年必沼吳孤
冢有人來下馬六陵無樹可棲烏廟堂計短慚裴
婦宇宙惟公是丈夫往事重
觀如敗局一龕燈火屬浮屠

國朝雍正七年總督臣李衛飭屬員重修祠墓錢塘縣
知縣李惺重鑄鐵人立碣為記

宋烈文侯張憲墓 成化杭州府志在東山街口元

總管夏思忠為立表識

詳見祠祀

宋輔文侯牛臯墓 名勝志棲霞嶺北有古劍闕宋

時牛臯墓在焉

西湖遊覽志臯字伯遠汝州魯山人為武穆部將累轉寧國軍承宣

使紹興十七年都統制田師中大會諸將臯遇毒卒或言檜使師中毒臯云景定初追封輔文侯

宋少保忠勇李寶墓 在定香橋

傳詳名宦

宋尚書省員外郎董京墓 成化杭州府志在棲霞

嶺埽埽塢子樞密院都承旨必先墓附

宋武信軍節度使諡忠毅畢再遇墓 夢梁錄在西

溪

傳詳武功

宋濟王竑墓 成化杭州府志在駝巘嶺下

歷代山陵考王

寧宗長子也史彌遠與王有隙寧宗崩彌遠立理宗王出居湖州太湖賊潘士潘丙劫王謀立之王不從率州兵擊賊彌遠稱詔殺王人多冤之景定五年詔復王爵增修其墓

宋趙師秀墓 咸淳臨安志在葛嶺寶巖院

傳詳文苑劉克

莊弔紫芝墓詩奪到斯人處詞林亦可悲世間空有集天下便無詩畫出香分妓惟留硯付兒傷心湖上塚誰葬復誰碑徐集孫趙紫芝墓詩晚唐吟派續於誰一脉纔昌復已而對月難招青塚魄見

梅如挹紫芝眉四靈人物嗟寥落千古風騷
憶俊奇公去遙遙誰可法少陵終始是吾師

宋淳古先生宋斌墓 咸淳臨安志在西湖資國寺

之右

傳詳
寓賢

宋高翥墓 武林舊事葬孤山後談家山

宋施岳墓 萬厯杭州府志在虎頭巖楊守齋植梅

作宇以葬薛梯颺為誌李貧房書周草窗題蓋

傳詳

寓
賢

宋孫惟信墓 咸淳臨安志在水仙廟側惟信字季

蕃始居婺棄官隱湖山間號花翁工為長短句趙

安撫與憲葬之劉克莊誌其墓

仇遠孫花翁墓詩水仙分地葬詩人

一片荒山野火焚薦菊有亭今作圃掃松無子漫留墳蝸牛負殼粘碑石老鶴携雛入隴雲欲把管絃歌楚些却慚度曲不如君

宋贈祕閣修撰徐應鑣墓 萬厯杭州府志在方家

峪明正德元年被命表識

傳詳忠臣

宋叅知政事陳文龍墓 萬厯杭州府志在智果寺

旁葬之次日墓即生竹竹俱有刺人不能登衆謂

忠義所感

三柳軒雜識文龍字志忠興化人度宗朝廷試第一人德祐末北兵入閩不屈

生縛之至杭病卒於苗兒橋巷

宋少師葉仲愈墓

成化杭州府志在大慈鄉赤山

元國子監丞陳旅墓

成化杭州府志在西湖北太

學山

元禮部員外郎程文墓

萬厯杭州府志在石人嶺

下文徽州人有集行世

元行省員外郎張光弼墓

萬厯杭州府志在棲霞

嶺光弼嘗曰我死得埋骨西湖題曰詩人張員外

墓足矣比卒竟如其言

傳詳
寫賢

元江浙儒學提舉葉廣居墓 杭州府志在赤山

傳詳

文苑

元處士吾衍墓 杭州府志在多寶山

傳詳
隱逸

元處士仇遠墓 成化杭州府志在棲霞嶺

傳詳文
苑張翥

謁仇遠墓詩前輩凋零盡南陽有古阡詩應傳四海酒不到重泉槐國真成夢桃源亦是仙松根一

物淚慘淡
墮風烟

元處士鄭德峻墓 成化杭州府志在西湖玉泉山

碧梧原左丞周伯琦題曰有元竹隱鄭處士墓

元高士丁鶴年墓 萬厯錢塘縣志在清波門外詳傳

寓賢列朝詩集傳鶴年西域人曾祖阿爾丹從元世祖徇地西土論功父以世蔭為武昌尹鶴年避兵錢塘生母馮氏阻絕他所病死痛哭求母夢母具告以所嚙血沁骨殮而葬焉晚屏絕酒肉廬於父墓以終其身卒葬其旁

元道士張雨墓 成化杭州府志在西湖靈石山玉

鉤橋傳詳仙釋西湖遊覽志墓近玉鉤橋伯雨賣玉鉤所建也墓久頽廢成化間嘉興姚綬葺

之既為立傳復為之銘曰嗚呼此句曲外史居貞先生張公墓也南屏之右西湖之陽梁題玉鉤澗渡靈石路披篠樹塢帶烟霞石室藏書碑文紀事其形雖逝其神則存翰墨在人文章垂世儼然生氣之張皇聲歎無聲周旋滅影穆若太虛而示寂開元精舍久無繼續之賢勾曲居貞全乏訪求之彥遂使墓門荒翳兆址崩奔松柏摧為薪莫設時樵之禁身世是何物會罹夜客之侵痛茲劍躍龍津慨爾硯離王匣既往何咎將來可圖曠世而默契予心尚友而景行先哲

明將軍嚴德墓 西湖遊覽志在靈隱寺西

傳詳名宦

明禮部侍郎蔣驥墓 萬厯杭州府志在尉司里仙

芝山

萬厯錢塘縣志驥字良夫洪武庚辰進士官禮部侍郎宣德中賜葬

明兵部尚書柴車墓 成化杭州府志在大遮山之

西原

傳詳名臣萬厯錢塘縣志車累官兵部尚書卒於京賜祭葬給驛歸其喪

明兵部尚書方賓墓 成化杭州府志在南山法公

埠

明湖廣叅議周文墓 杭州府志在高麗寺

傳詳
循吏

明周府長史瞿佑墓 萬厯杭州府志在甘溪

傳詳
文苑

明尚書徐琦墓 成化杭州府志在積慶山之原

傳詳

節介

明禮部主事王洪墓 成化杭州府志在尉司下扇

傳詳
文苑

明南京太僕卿王榮墓 杭州府志在石屋嶺

明按察僉事王琦墓 成化杭州府志在仙芝嶺

傳詳

介
節

明布政使夏時墓 成化杭州府志在武林山之西

石人嶺

傳詳
名臣

明兵部尚書贈太傅諡忠肅于謙墓 錢塘縣志在

三台山麓明成化二年諭祭

傳詳忠臣明憲宗諭祭文卿以俊偉之器

經濟之才歷事先朝茂著勞績當國家之多難保社稷以無虞惟公道以自持為權奸之所害在先帝已知其枉而朕心實憫其忠故復卿子官遣人諭祭嗚呼哀其死而表其生一順乎天理屈於前而伸於後允愜乎人心用昭百世之名式合九泉之意靈爽如在尚其鑒之

國朝康熙三十一年杭州知府李鐸修葺雍正七年總

督臣李衛飭屬員重修祠墓

明吏部郎中張信墓 成化杭州府志在西湖南山

飲馬橋子瑛太僕丞附

明太常少卿陳贄墓 成化杭州府志在風篁嶺龍

井山之原子右通政嘉猷附

傳詳文苑

明禮部主事陳鏞墓 杭州府志在石屋嶺西

傳詳忠臣

明布政使武達墓 杭州府志在洪度山之陽

明尚書倪謙墓 杭州府志在南屏山麓

明左府都督僉事許亨墓 萬厯杭州府志在天竺

山後

傳詳名宦

明真人周思德墓 杭州府志在八盤嶺景泰間諭

葬

傳詳
仙釋

明布政使沈敬墓 萬厯杭州府志在丁家山成化

中諭葬

明左府都督僉事張真墓 錢塘縣志在小麥嶺成

化七年諭葬

周忱張真墓誌字以誠錢塘人太宗
入靖內難扈駕先驅以功擢指揮同

知陞徐州衛指揮使移鎮浙之臨山衛築城濬濠
信賞必罰旋陞浙江都指揮使僉事正統戊辰盜

起金華陞左軍都督僉事仍掌都司事鎮
守兩浙激勵士卒所向克捷民賴以安

明太僕少卿吳謙墓 萬厯杭州府志在茅家埠成

化二十年諭葬

明副都御史吳誠墓 杭州府志在五子嶺成化二

十三年諭葬

傳詳介節

明贈禮部侍郎翰林學士王獻墓 杭州府志在王

岑山下成化二十三年諭葬

明刑部郎中項麒墓 萬厯杭州府志在積慶山馬

坡嶺下

傳詳介節

明都御史李昂墓 杭州府志在風篁嶺下

明贈禮部尚書汪諧墓 杭州府志在龍井弘治十

三年諭葬子太常卿舉祔嘉靖六年諭葬

明都御史錢鉞墓 杭州府志在佛牙塢

傳詳循吏

明刑部侍郎沈銳墓 萬厯杭州府志在龍井

傳詳名臣

明都御史張本墓 杭州府志在鳳凰山報國寺旁

明兵部侍郎何琮墓 舊浙江通志在方家峪明弘

治二年諭葬

傳詳名臣

明禮部尚書諡文昭江瀾墓 萬厯杭州府志在妙

因山之原正德六年諭祭子工部尚書曉墓在仙

芝嶺之陽隆慶二年諭葬

傳詳
名臣

明吏部侍郎李旻墓 萬厯錢塘縣志在八盤嶺正

德九年諭祭

傳詳
名臣

明刑部尚書謚襄惠洪鐘墓 萬厯杭州府志在定

北東穆塢蓮花山嘉靖四年諭葬錢塘縣志曾孫

都御史瞻祖附王守仁撰墓誌

傳詳
武功

明應天府尹陳良器墓 萬厯杭州府志在甘溪

明都御史錢宏墓 杭州府志在玉泉寺右

傳詳名臣

明兵部尚書胡世寧墓 西湖游覽志在排山塢嘉

靖十年勅葬於此

傳詳名臣鼎心湯胡公墓碑胡端敏公以忠謀遠慮消國家外

矚內訌金甌大業至今賴之直與忠烈文成比烈曾未數十年而松楸不保僅存封鬣祠宇數椽悉為鬻貨益匪躬者不遑恤其後而憑弔者能無惻於心是邦三事大夫合謀修葺釀金百餘畧於司事而向來收買祠宇者亦議需百金乃建崇墉而構堂廉春秋祀事因條於石

明後府都督同知張奎墓 杭州府志在飛來峰石

人塢嘉靖十四年諭葬

明昌化伯邵林墓 萬厯杭州府志在九曜山之陽

詳見封爵西湖游覽志昌化伯邵林孝惠太皇太后父也嘉靖十九年勅葬

明中書洪澄墓 西溪志在西溪阮家山

葛寅亮中書洪澄傳

澄字靜先別號西溪太保鍾子正德庚午舉人官內閣制勅中書歸築別業於西湖之孤山著有西溪集以孫瞻祖貴贈都察院右都御史

明大理卿陳琦墓 萬厯杭州府志在龍井嘉靖十

一年諭葬

傳詳名臣

明邵武同知諸燮墓 舊浙江通志在白鶴峰下

傳詳

文苑

明吏部侍郎茅瓚墓 萬厯杭州府志在磐龍山花

家園嘉靖四十五年諭葬

傳詳文苑

明順天府尹查秉彝墓 萬厯杭州府志在五雲山

南桐樹塢嘉靖四十年諭葬

傳詳名臣杭州府志翰林學士李春芳撰

銘武英殿大學士徐階撰神道碑

明右府都督同知牛桓墓 萬厯錢塘縣志在靈鷲

山之原嘉靖二十六年諭葬

明文淵閣大學士謚文端高儀墓 萬厯杭州府志

在南屏山中峰之原萬厯二年諭葬遣官營墓詳傳

名臣杭州府志萬厯二年諭葬武英殿大學士呂調陽撰銘徐林鴻謁高文端墓詩雷峰隱隱藕花莊湖水清蒼半夕陽墓下疎花吹燕雀城邊哀角散牛羊兩朝雨露遲仙馭三殿風雲引御床辛苦受遺高相國手持丹詔出明光

明都督萬表墓 杭州府志在月桂峰歐家山子指

揮使達甫墓在西溪傳詳武功

明清江知縣沈儀墓 杭州府志在桃源嶺下子贈

行人司副恩卿祔

傳詳循吏

明兵部侍郎江鐸墓

杭州府志在仙芝嶺萬厯二

十三年諭葬

傳詳武功

明處士吳博墓

萬厯錢塘縣志在玉岑山高麗寺

西南子棠孫範金範型祔宮詹太冲之高祖原籍

海鹽遷武林由處士始

明吏部尚書張瀚墓

錢塘縣志在三台山明萬厯

間諭葬

傳詳名臣

明僉都御史張濂墓

杭州府志在靈鷲山

傳詳介節

明布政使陳善墓

杭州府志在積慶山

明叅議孫枝墓

錢塘縣志在南屏山

傳詳名臣

明刑部員外郎邵經邦墓

杭州府志在玉泉山

傳詳

名臣

明副都御史陳洪濛墓

錢塘縣志在荆山明萬厯

間諭葬

傳詳武功

明御史木訥墓

杭州府志在學士港口

明兵部侍郎經畧宋應昌墓 杭州府志在北高峰

下傳詳
武功

明祭酒馮夢禎墓 杭州府志在西溪梅塢

明僉都御史許子良墓 舊浙江通志在三台山明

萬厯三十二年諭葬子叅政聯樞祔

傳詳
名臣

明湖廣副使許文岐墓 杭州府志在中台山

傳詳
忠臣

明知府翁汝遇叅議翁汝進墓 錢塘縣志俱在六

和塔右

傳詳
循吏

明四川按察僉事沈瑞臨墓 杭州府志在龍井劉

安山

傳詳
儒林

明叅議黃汝亨墓 杭州府志在花園橋

傳詳
文苑

明吏部員外郎虞淳熙墓 錢塘縣志在雷峰下

傳詳

文苑

明副使柴祥墓 錢塘縣志在孤山

明太常卿葛寅亮墓 杭州府志在三台山

明贈刑部尚書陳禹謨墓 舊浙江通志在茅家埠

明天啓間諭葬

傳詳名臣

明李元昭墓 西湖遊覽志在靈隱寺旁年五十六

即為墓裏足不出山八十五預示逝期無疾卒乃

葬焉

傳詳隱逸

明府尹沈光祚墓 杭州府志在縣西二畝明天啓

間諭葬

傳詳名臣

明河南叅政查志立墓 在馬坡嶺

字敬峯嘉靖丙辰進士秉彝第

三子

明提學道查允元墓

在大慈山

傳詳
循吏

明禮部主事傅巖墓

錢塘縣志在慈雲嶺下施家

山子齡法齡熙祔

傳詳
忠臣

明長史俞起蛟墓

舊浙江通志在雁臺鄉

傳詳
忠臣

明知縣陸運昌墓

杭州府志在青龍山

傳詳
循吏

明行人陸培墓

杭州府志在靈鷲山

傳詳
忠臣

明御史陳潛夫墓

錢塘縣志在西溪荆山

傳詳
忠臣

明御史姚奇引墓

杭州府志在穎秀山

明孝童郭金科墓 明孝友傳科年十五入火救母

焚死御史聞之葬於孤山表曰郭孝童墓

傳詳孝友

明孝子孫宗徽墓 杭州府志在樂慶園子贈給事

中揚墓在八盤嶺

傳詳孝友

明五節婦墓 錢塘縣志在西山玉泉傍葬陳氏許

氏童氏孫氏查氏一門四世苦節人稱毛氏五節

傳詳列女

明孝廉汪颯墓 杭州府志在青芝塢

傳詳隱逸

國朝

贈按察使僉事高咸臨墓 在玉泉山

傳詳名臣

順治四

年

賜祭葬

文華殿大學士謚文僖黃機墓 在靈鷲山

傳詳名臣 康熙

熙年間

賜祭葬

戶部侍郎嚴沆墓 杭州府志在西山

傳詳名臣

康熙年

間

賜祭葬

處士應撫謙墓 在孝女北鄉角頭灣石嶺

傳詳
儒林

工部尚書謚文和陳歆永墓 舊浙江通志在八卦

田

兵部右侍郎項景襄墓 錢塘縣志在北高峰下

傳詳

臣名

吏部尚書徐潮墓 在小和山

傳詳
名臣

康熙年間

賜祭葬

懷遠將軍霍時御墓 杭州府志在靈隱龍門山

烈女孫秀姑墓 在棲霞嶺

傳詳列女

御史顧豹文墓 錢塘縣志在吳家山

傳詳文苑

贈翰林學士邵泰卿墓 杭州府志在神霄雷院西

瑞雲山下

贈工部侍郎趙汝楫墓 在南山

少詹事邵遠平墓 錢塘縣志在雷院

傳詳文苑

贈江南布政使龔勤庶墓 錢塘縣志在虎跑

庶吉士潘沐墓 在雲林寺之東五寺橋

明經章士斐墓 杭州府志在青龍山

傳詳文苑

處士陳廷會墓 杭州府志在桃花嶺

傳詳文苑

孝子金世臣墓 錢塘縣志在中台山上扇二畝

贈侍郎宋富宋儒墓 錢塘縣志在大桐塢

贈工科給事中孫揚墓 錢塘縣志在八盤嶺

封副都御史陳肇墓 錢塘縣志在丁家山

處士陳祚明墓 錢塘縣志在西溪鮮于山

傳詳文苑

贈江南布政使龔景鵬墓 錢塘縣志在白巖山

監察御史龔翔麟墓 在白巖山

傳詳文苑

翰林院庶吉士陳成永墓 錢塘縣志在慈珠山

封布政叅議沈瀚墓 錢塘縣志在桃源嶺下

河南杞縣知縣王典墓 在丁家山

傳詳循吏

主事許田墓 在石屋嶺箕箕灣

萬經許田墓誌字莘野錢塘人康熙

癸未進士授四川高縣令縣接壤烏蒙鎮雄兩土府民獠雜居素稱難治田撫取有方修治橋梁道

路建立義學士民頌之行取入京以五部主事用
未授而卒所著有屏山詩鈔燕邸西征等集水痕

詞春夢
詞行世

贈侍讀學士陳履升墓 在桃源嶺下

廣東提學僉事翁嵩年墓 在雲林寺東五寺橋詳

苑文

知縣沈名蓀墓 在大慈山 湯右曾沈名蓀墓誌字
硿房錢塘人博學工詩

康熙庚午舉順天鄉試居京師名公卿爭禮之著
有楚夾集蛾術堂稿南北史嚮讀書考要冰脂集

世行

中書周崧墓

在橫春橋

莊楷周崧墓誌字層巖錢塘人年十四補博士弟子

貢入太學康熙丙子中順天鄉試副榜授中書科中書卒崧事母至孝生平重氣誼不苟然諾以故海內之士無不樂與之交者

副使王靄妻方氏墓

在西湖法公埠

批詳事實靄字介菴錢塘

人歷宰祁陽靈邱二邑擢淮安船政同知轉山清外河同知建高堰橫塘埂議改石壩以資宣洩工成調黃河同知遷登州知府多惠政秩滿陞副使未任卒妻方氏相夫服官多內助之力雍正七年

卒以子機貴

誥贈太夫人
諭祭一次

仁和縣

漢桃俊墓

真誥在臨平山墳壇厯然苗裔猶存鄉

間時聞輦角之響故人不敢侵毀皆呼為桃司命

冢

晉丁母塚

杭州府志在丁橋姥山之東

宋木娘墓

杭州府志在太平鄉蔡官塘東

陳亞父塚

咸淳臨安志在皋亭山

萬厯杭州府志
亞夫陳時重生

有神異壽百餘而終
顯靈其地有禱皆應

唐贈禮部尚書諡文裕無量墓 神州古史考在臨

平山

傳詳儒林蘇頲贈禮部尚書裕公神道碑公先邑河南之陽翟十一代祖盛後漢時居海

鹽長子孫遂為吳郡海鹽人五代祖陽嗣錢塘侯公薨於長安崇仁里之賜第歸祔於錢塘臨平山之舊域

唐司勳員外郎杜牧墓 咸淳臨安志在南山東南

夢梁錄與佛日山夾境名杜牧塢

謹按杜牧自撰墓銘終於安仁里葬於少陵司馬村先塋是墓在西京矣所傳杜牧塢疑其出牧睦州及為湖州刺史時或至其地遂以名塢後人因而傳會亦未可知

唐民部尚書吳公約墓 萬厯杭州府志在桐扣山

傳詳武功羅隱吳公約神道碑黃巢之將叛也天下騷動杭之豪傑舉梃以衛鄉里者八人故立八都之號其間王公節將派有分者一十三都君居其一焉君諱公約字處仁餘杭人以膽畧為郡邑推應募西討授西佳鎮遏使其後從董太尉禦巢加御史中丞奏置都頭改硤石為郡邑之所於是推鋒破銳勲業愈盛由冬卿改秋曹民部二尚書為將三十年家無長物出則督勵士卒入則訓導子弟斯亦名將之高節也乾寧四年夏六月二十有一日啓手足於硤石之第享年五十八以明年正月十五日卜它於錢塘之新亭鄉桐扣山之原禮也君嗣子以隱鄉里之舊請銘其墓而復以詩一章文其美於道之隅曰吳山蒼蒼吳水泱泱降生英靈為公為王以嚴師旅以奠封疆派有別者

我亦鷹揚取直之功。捍巢之績。雖從本軍。實展良畫。踐履禁旅。光揚事迹。乃自西佳。遷於硤石。上君東伐。諸將西征。賈以餘勇。資其銳兵。嵇山霧廓。京口波清。再從貂冕。始拜冬卿。吳會紛紜。淮石奔競。驅其凍餒。犯我疆境。躬勵精卒。恭奉上帝。雪霽松貞。風中草勁。元戎承制。聖主酬勞。大起名重。司元望高。優游渥澤。出入官曹。所謂鷄省。全資豹韜。恭仰府城。載崇吾圉。惟力是助。厥功以舉。雲蟲千堵。土攢萬杆。率以資產。役以軍旅。乃頒異寵。乃正華資。大國綱紀。雄藩羽儀。床間牛闕。栝裏蛇疑。天胡可測。神亦難知。有神於時。有功於物。一代殊勲。二品清秩。不謂不達。何獲何失。瑞馬神羊。金箱玉室。

宋太師劉琦墓 仁和縣志在太師塢今謂劉坟村

宋少宰劉正夫墓 杭州府志在石姥山嶺之西北

真珠塢

明太常寺少卿鄭環墓 仁和縣志在石壁山禮部

侍郎謝一夔撰誌銘

傳詳介節

明山東右叅政江玘墓 仁和縣志在妙因山少師

李東陽撰誌銘

傳詳名臣

明太僕卿邵銳墓 仁和縣志在超山唐龍撰墓誌

銘

傳詳儒林

明廣西南寧府知府汪獻墓 仁和縣志在臯亭山

獻字惟賢弘治壬戌進士

明徵士陳雍墓 杭州府志在獨山

明保安知州傅潤墓 杭州府志在焦家橋

明副都御史贈尚書陳祖苞墓 杭州府志在黃鶴

山

國朝

左都御史吳涵墓 在臯亭山之佛日塢

傳詳名臣

處士沈蘭先墓 杭州府志在臯亭山

傳詳儒林

孝子查魏旭墓 在臯亭山麓

傳詳孝友

海寧縣

古三女堆 成化杭州府志在縣北二十五里長安

鎮覺王寺後或云三女乃孫權第三女也

吳本泰三女堆

詩二首梵宮鷗尾插層霄荒塚纍纍草色嬌幾朵白雲松下起老僧趺坐話前朝春游歇馬弔香魂綠酒頻澆青草根酩酊放歌人去後鶴歸松頂又黃昏

宋太守沈景墓 杭州府志在硤石東山南麓

海寧縣志

景官臨海南陽二郡守卒葬於此因名沈山俗云審食其者悞

唐睢陽太守許遠墓 成化杭州府志在縣東北楊

園村其二子玫瑰葬天竺莊鷄籠墩

海寧縣志大
厯二年長子

玫瑰魂歸故土合葬柳氏靈德慈儀郡君於讀書
林側柳惲許公神道碑公生景龍己酉四月十八

日卒於至德丁酉十月十六日壽四十九為南陽
公敬宗曾孫太子中舍彥伯子也配柳氏慈儀郡

太君二子玫瑰現司馬金吾士林顯族云杜確許公
墓銘睢陽太守靈德太君死國曰忠死家曰貞夫

婦雙節萬古芳名天子錫葬崇榮厚死骸莫同封
神安於此鬱鬱洛塘龍蟠鳳翔巍乎秦峙地久天

長羽林繁祉
其福無疆

唐左果毅張希超墓 海寧縣志在黃岡

海寧縣志
康熙十一

年十一月土人掘地得壙石有唐故秦州成紀府左果毅張公墓誌銘云公諱希超字少逸其先清江人漢末避地過江遂居於杭州鹽官縣祖楷陳王府諮議父徵隱遁邱園高尚不仕公即徵之次子也性實惠和才兼文武行必由本言皆中規以貞元元年五月五日寢疾終於袁花里之私第享年五十有七即以其年十月十一日遷窆於黃壩村禮也公有一子曰灞少習典墳游心文圃銜悲泣血願有誌焉其詞曰高岸為谷深谷為陵千年百歲惟斯可憑

唐馬湘墓 成化杭州府志在縣西九里

傳詳仙釋

宋太師謚文忠張九成墓 萬厯杭州府志在縣西

五里

傳詳名臣子有成橫浦家傳先生墳墓在鹽官縣淨居院之側淳熙間邑宰陳恕被史越

王之命奉祝辭祭先生迄今詞板尚榜庭楣
紹定間邑令趙汝船重建墓亭粉飾詞板

宋戶部侍郎蘇衡墓 海寧縣志衡字平仲號白山

崇寧進士靖康末除戶部侍郎紹興辛亥駐節鹽
官以疾卒葬郭溪

宋尚書左丞許景衡墓 海寧縣志在許村景衡瑞

安人賜葬鹽官安義里

傳詳名臣

元戶部尚書貢師泰墓 萬厯杭州府志在黃岡之

湖塘里師泰卒於門人朱鉞家鉞割地以葬捐田

瞻祭

傳詳名宦王琥謁貢師秦墓詩宦海由來風浪惡月明何處駐仙艤人間洞府桃源小夢

裏關河梓里賒碑碣空題元戶部墓田猶寄魯朱家殘春下馬尋遺蹟千古文章野草花

元祭酒榮肇墓 成化杭州府志在縣東北五十里

明太僕少卿沈升墓

海寧縣志在橫塘

傳詳名臣明英宗諭

祭文卿在先朝簡自科目歷官中外勤慎可稱茲以老年終於卿佐爰用賜祭以示恩榮卿其有知

歸安泉壤

明處士蘇正墓

杭州府志在木場橋左

傳詳文苑

明叅政祝萃墓

杭州府志在妙果山

傳詳循吏

明副都御史查約墓 萬厯杭州府志在袁花里道

人塘之北偏嘉靖九年諭葬

傳詳忠臣

明禮科給事中許相卿墓 杭州府志在妙果山

傳詳

名臣吳遵悅許雲村先生詩金門早掛冠孤迴隔塵寰光景千年氣東南萬仞山忽驚流水逝應逐白雲還矯矯臨風展斜陽紫翠間

明工部侍郎祝以幽墓 杭州府志在袁花塘北明

崇禎八年諭葬

傳詳名臣

明淮安知府許令典墓 海寧縣志在菩提山

傳詳介節

明吏部尚書徐石麒墓 海寧縣志在妙果山陰

詳傳

臣忠

明烈女吳慶真墓 杭州府志在靈泉鄉墓有連理

木至今存

傳詳列女

國朝

贈光祿大夫陳元成墓 在海寧縣東轉塘

蔣廷錫陳無為

墓誌浙之海寧陳氏樂善好施聲家以周人急終身不倦名曰風山先生風山次子與相官叅政叅政之子季曰元成字無為醇謹退讓好行其德論者以為有風山先生之節

所以娛親之具纖悉俱備叅政公既沒經理喪葬竭誠盡慎又捐已田為先世各墓祭產曰先大夫志也元配顏夫人佐公殫孝養終家政三黨稱之以孫詵元龍貴累贈光祿大夫公之沒也丁明季喪亂孤子之問等乃奉公柩權厝於叅政丙舍之西楹雍正九年培土成塋以狀屬廷錫為之誌廷錫念公以高門華胄子孫繁衍貴戚辭世幾及百年展轉卜地未有當者今仍依叅政公之墓側以公孝行推之意魂魄殆有不忍離此他適者故使遲之又久以待今日之改厝為葬以從卜也沒猶依親是為純孝

贈禮部尚書陳之問墓 在太岳橋東

傳詳
文苑

贈大學士陳之閣墓 在祿步墩

傳詳
義行

兵部侍郎楊雍建墓

在鳳凰橋

傳詳名臣

康熙四十六

年

賜祭葬

河南河道楊守知墓

在湯家澗

陳勲楊守知墓誌字次也號致軒海

寧人中訥子康熙庚辰進士官平涼知府歷署河南河道工詩出入三唐兩宋間尤得力范石湖至咏物則謝宗可不是過也海寧詩派自陸平齋朱岷左父子查韜荒為國初眉目至初白查浦兄弟出並以五七字冠冕一時致軒從諸君子游雖別自成家其淵源固可考而知也同時又有葛向高日讀徑寸書縱筆為古今之歌詞騷賦日不下數千言皆精思力索所不能到年末三十棄妻子逃

去不知
所終

富陽縣

漢孫鍾墓

成化杭州府志在陽平山孫堅之祖

咸淳

臨安志鍾性至孝種瓜為業忽有三少年詣鍾乞
瓜謂鍾曰此山下作冢當出天子君下山百步許
顧見我去即可葬也鍾去三十步便反顧見三人
並成白鶴飛去鍾死即葬其地冢上數有雲氣五
色上燭天里人由是知孫氏必興孫氏墳墓在富
陽者又有孫賁孫皓墓在縣西南皓子希祖墓在
南縣

吳富春侯郭成墓 咸淳臨安志在樟巖

吳中郎將郭據墓 杭州府志在華蓋山

晉處士孫晷墓 宣德富陽縣志在慶善鳳凰山

詳傳

孝友

宋太子賓客謝濤墓 萬厯杭州府志在春明之原

歐陽修撰墓誌

傳詳
備吏

宋少師謚文清李宗勉墓 成化杭州府志在小隱

山

傳詳
名臣

元尚書左丞謚文簡葉李墓 杭州府志在石碑灣

傳詳

名臣

元處士黃公望墓

杭州府志在廟山

傳詳
寓賢

明吏部尚書趙新墓 成化杭州府志在靈峰漁嶺

傳詳

名臣

明福建布政使姚肇墓 萬厯杭州府志在禮山

明監察御史周文墓

富陽縣志在鹿山觀塢

傳詳
名臣

明檢討夏賚墓 富陽縣志在漁山西塢

餘杭縣

漢太守諸葛琮墓

成化杭州府志在禪山之旁

餘杭

縣志琮後漢時為河
間太守以賢德稱

吳選曹尚書暨豔墓 咸淳臨安志在由拳山之東

吳志張溫傳豔
字子休吳郡人

吳給事驍騎大將軍新豐侯暨惠景墓 咸淳臨安

志在董舍村

吳偏將軍凌統墓 成化杭州府志在浮里界

傳詳
武功

吳步兵校尉諸葛起墓 杭州府志在岑山旁

傳詳
隱逸

晉常山太守俞歸墓 咸淳臨安志在縣西北三十

五里地聯舟枕山

晉隱士郭文墓 元豐九域志在縣西南十五里

詳傳

隱逸郭墓碑文高山岑岑瀹瀨潺湲廳
生林下雲興巖端先生存沒安於此山

晉晉陽太守嚴昆墓 萬厯杭州府志在仇山嘗有

白鹿夾墓之異

宋晉陵侯吳喜墓 咸淳臨安志在縣東二十五里

宋侍中王裕之墓 咸淳臨安志在縣東二十五里

裕之字敬弘瑯琊臨沂人嘗為吳興太守居餘杭縣沒於所居之舍亭山

梁疆陵侯陳法明墓 咸淳臨安志在唐苑山中

陳氏

家傳法明字允明幼好學後察舉孝廉遷桂陽太守

唐宗元先生吳筠墓 成化杭州府志在天柱山西

麓

唐沖素先生鄭章墓 成化杭州府志在天柱山

神州

古史考章字博文幼號神童十五歲辭親學道居天柱山猜思院卒葬本山號沖素先生

唐白元鑑墓 神州古史考在大滌洞東北

宋潘閬墓 杭州府志在洞霄宮方丈西廡後

傳詳
寓賢

宋太子太傅盛度墓 餘杭縣前志在黃山

傳詳
文苑

宋少師王彥洪墓 萬厯杭州府志在同化鄉仙澤

界前峰山彥洪越人家於此卒葬焉

宋金紫光祿大夫趙善墓 成化杭州府志在常熟

鄉東林西扇宋宗室從高宗南渡卒葬於此

宋昭慶軍承宣使趙不愚墓 葉適趙公行狀在同

化鄉裏山宋宣之原太宗六世孫

傳詳名宦

宋丞相史玉墓 杭州府志在東林東扇道明寺墓

遺址存焉

宋洞霄道士常中行墓 餘杭縣志在天柱峰下

明少詹事諡文敏鄒濟墓 明一統志在縣東南五

里洪熙初勅葬

明仁宗諭祭文惟卿資稟和易襟懷坦直才德兼有學問博通誦法

孔子兼精玄釋文章豐瞻援筆立成事朕春宮多歷年所朝夕左右勤慎小心知無不言愜契朕意啓沃匡輔清益良多今朕君臨天下卿已先逝追維舊德夙夜不忘茲特贈爾為太子少保賜諡文

敏仍勅有司營建享堂設置墳戶歲時致祭著為
常典用報卿平日相從之厚九原有靈尚其歆饗
餘杭縣志禮部尚書謚康靖鄒幹墓從父文敏公

兆

傳詳
名臣

明少詹事吳太沖墓

舊浙江通志在簫臺

傳詳
名臣

臨安縣

吳越國錢武肅王墓

咸淳臨安志在縣城北二十

三步

傳詳武功十國春秋後唐長興三年詔曰天
下兵馬大元帥尚書令吳越王本朝元老當

代勲賢位已極於人臣名素高於簡冊贈典既符
其官爵易名宜示其優崇即令所司定謚曰武肅

仍以王禮葬詔工部侍郎楊彪式為碑文廣
順元年春正月壬午葬衣錦鄉茅山之原 萬厯

杭州府志正德間浙江按察僉事許讚復墓側侵
沒山田入租為祭費邑長春秋祭墓知縣廖瑜建
外門三楹

吳越恭穆夫人馬氏墓 十國春秋馬氏安國縣人
父綽雄武軍節度使女為文穆王夫人初封越國
加封吳越國莊穆夫人謚恭穆葬衣錦軍之慶僊
鄉良山下

宋四川總領李景翹墓 成化杭州府志在靈鳳鄉

東子山景翹丞相邦彥之孫兩淮制置曾伯之父

宋吏部侍郎俞烈墓 萬厯杭州府志在土橋

宋懷遠大將軍前衡州路總管劉琮墓 萬厯杭州

府志在五柳塘灣

宋蟾華子喻天時墓 臨安縣志在大滌山棲真洞

側

元玄素先生王朴墓 臨安縣志在石室之麓

明知縣俞益墓 成化杭州府志在靈鳳莊上山之

原侍郎王直銘其墓

傳詳循吏

明工部尚書俞琳墓 臨安縣志在琴山嘉靖十年

諭葬

傳詳名臣

於潛縣

漢牧亭侯何騰墓 咸淳臨安志在獨角山

於潛縣志騰字

叔荆靈帝中平元年從破黃巾賊舉家渡江至於潛牧亭村居焉詔封牧亭侯後葬於村之溪西

晉叅軍趙悌墓 名勝志塚記云墓在縣東十二里

舊有墟塚二十五古溝通人往來泉流不竭石獸
之類皆頽仆草莽後人於其地得陶磚二有咸和
二年九月叅軍趙悌建立塚功十四字

晉何史君墓 杭州府志宋淳熙八年駱忠翊嗣業
創祠山別廟於於潛縣東一里南陽山獲古塚陶
磚有太康五年甲辰何史君墓十字

唐山南東道從事章成緬墓 咸淳臨安志在長安

鄉兌口村

傳詳
孝友

吳越太師吳敬忠墓 咸淳臨安志在豐國鄉東村

傳詳
武功

宋端明殿學士洪咨夔墓 杭州府志在嘉前鄉

傳詳

名
臣

宋禮部侍郎趙景緯墓 於潛縣志在棠公山西坂

傳詳
名臣

明松溪知縣張紳墓 於潛縣志在西郭門內

明刑科給事中阮子孝墓 杭州府志在嘉前鄉西

新城縣

唐金部侍郎徐凝墓 成化杭州府志在寧善鄉桐

峴村

吳越和州刺史杜稜墓 咸淳臨安志在縣北五里

官塘子太師建徽墓在縣西十里袁村

傳詳武功

吳越贈工部尚書孫陟墓 萬厯杭州府志在百丈

村西

宋孝子周雄墓 新城縣志在太平鄉

傳詳孝友

明工部侍郎方廉墓 杭州府志在七賢鄉天柱山

下

傳詳
名臣

昌化縣

唐羅公墓 成化杭州府志在瀟溪之陽村吳越給
事羅隱祖墓也

梁太保饒京墓 咸淳臨安志在金山鄉首源林木

翁鬱鬱百尺合抱有犯者必為異物所怖

傳詳
名宦

謹按京十國
春秋作景

宋福建路轉運使章鑄墓 成化杭州府志在洪山

今猶存石人石馬

宋蘄王韓世忠墓 杭州府志在縣西四十里義子

山

傳詳
名宦

宋監察御史陳成墓 昌化縣志在蜃溪排山

宋襲開國男章祖義墓 昌化縣志在覽川梯雲橋


章祖義自撰墓銘山盤盤兮竹樹蕭森溪澄澄兮
白鷗浮沉顧瞻中邱兮宛其幽深曰惟吾之藏兮
俟陽負陰訊來
世兮誰其知心

元孝子陳斗龍墓 萬厯杭州府志在義于山

傳詳孝友

明御史余敏墓 杭州府志在東章村

明御史趙礪墓 昌化縣志在鳳凰嶺



浙江通志卷二百三十五